

Angallatit nunatsinni talittarfinnut talinnerini avalattussanngornerinilu ilanngaaserisut misissuisarnerat pillugu nukittorsaasoqassappat pisariaqartitsineq, periarfissat piunasaqaatillu pillugit Naalakkersuisut nalunaarusioqqullugit kingusinnerpaamik UPA2018-imi saqqummiussassamik peqquneqarnissaannik Inatsisartut aalajangiiffigisassaattut siunnersuut.

(Siumup gruppia)

Akissuteqaat

(Aningaasaqarnermut Akileraartarnermullu Naalakkersuisoq)

Aappassaaneerinnineq

Naalakkersuisut sinnerlugit Inatsiseqarnermut Ataatsimiititaliap siunnersuummik, Naalakkersuisullu allannguutissatut siunnersuutitut saqqummiussaannik sukumiisumik suliarinninneranik qujassuteqarfigerusuppara.

Inatsiseqarnermut Ataatsimiititaliap oqaaseqaatai kaammattuutaallu Naalakkersuisut tusaatissatut tiguaat.

Pineqartoq pillugu kisitsisitigut paasissutissat annikinnerannik Inatsiseqarnermut Ataatsimiititaliap isumaqarnera Naalakkersuisut isumaqatigaat, pineqartorlu pillugu kisitsisitigut paasissutissanik pitsaanagerusunik qulakkeerinissamut suleqataarusullutik.

Siunissami suliniutit pillugit Ataatsimiititaliap isumaliutigisai Naalakkersuisut attuumassuteqartunik oqaloqatiginnissutigiumavaat, tassani politiit umiarsualivinnilu oqartussaasut ilanngullugit.

Taama naatsumik oqaaseqarlunga siunnersuut Inatsisartunut suliassanngortippara.